

憲章外史續編

秦昌注畧卷之十二

太學生臣許重

光宗貞皇帝

常各神宗長子在位一月改元秦昌壽四十九

葬慶陵

母孝靖皇太后王氏萬全人皇貴妃兄天瑞永寧侯

孝元貞皇后郭氏齊東人元妃兄振明博平侯

內閣三人方從哲劉一燝南昌人韓爌瀘州人

上於萬曆十年壬午八月十一日誕生二十九年

月立爲皇太子四十八年庚申七月

神皇寢疾不

食且半月

皇太子未得見閣中止方從哲一人

省官叩闕請開御史左光斗曰公宜率百官問安從

哲曰

上諱疾卽問左右不敢傳給事中楊漣曰昔

公問宋仁宗疾內侍不肯言潞公曰天子起居

汝曹不令宰相知將無他志下中書省行法公誠日

三問不必見亦不必

上知第令官中知廷臣在門

公當宿閣中從哲曰無故事漣曰潞公不問史志

乎此何時尚問故事從哲不應明日壬辰九卿臺省

入思善門候問內監傳命且退甲午召見閣部大臣

尋卽出。

皇太子踰闕宮門外。趙光斗語東宮侍從

曰。

上病亟。不召太子。非

上意。今日已暮。明晨當

力請入侍。嘗藥侍膳。向夜無輕出。丙申。

神皇崩。遣

詔同司禮監輔太子。二十二日丁酉。以

大行賓天。

浩开

奉先殿。○戊戌諭兵部戒嚴中外。發帑金一

百萬。犒九邊。傳諭云。

先皇特念九邊將士勞苦。憫

恤至意。○巳亥罷天下礦稅。諭云。

先年礦稅爲三殿

二宮未建。權宜採用。今盡行停止。各處管稅內官。撤

回。其加派地畝錢糧。以本年七月前已徵者起解。餘

悉蠲免。○給事中范濟世要從哲于會極門。言大行

在續以令旨行非便宜封還留中御史張湫曰留中

二字天下方感額且旨奉父命繼述大孝也何不可

之有從哲繳送司禮司禮曰官家閱章奏恒至夜分

某等何敢留遂發之○庚子諭內閣先聖遺旨通

貴妃鄭氏爲皇后時鄭踞乾清宮托保視爲名知李

選侍被寵爲請封后結懽李亦請封鄭太后相引重

上心知不可未能顯絕從哲承旨下禮部議○夜

白氣如練過牛女歷軫翼良久乃散○辛丑頒大行

皇帝詔○壬寅詔輔臣籌遼事銳意勦除朕不惜費

○改戎政黃克績尚書刑部○倉場張問達左都御

史○吏尚書周嘉謨請錄用廢棄諸臣命起科臣李瑾等爲寺司卿丞○遼將李懷信病免

泰昌元年秋八月丙午朔皇帝卽位天顏和而莊

群臣稱慶○辛亥定三大九常朝○諭遼東經畧熊

廷弼曰逆奴犯順特命爾調度戰守相機征勦暴露

良苦賜銀段綵幣用彰恩施○戶臣李汝華開查九

邊十三鎮官兵暨總兵家丁并召募新兵共八十八

萬五千合犒銀一百萬兩先是尚書黃克讚建議調

南京浙江營兵至京募義烏沙兵赴遼兵部募兵之

使四出初差部官繼遣科道然皆營差便省覲而已

所過驛遞騷動。精神喜事謬稱某某可將。取人重賂。輒形薦牘。將多兵少。遊食之徒。糜費金錢。附會索詐。顧募市井壯丁。僉點孱弱代更。邊塞究竟無兵。而內地徒滋紛擾。山東川南反者四起。貽禍至今云。○南贛撫臣周應秋起解存積銀助邊。○上御朝念文華殿狹小。朝班喧啾不肅。諭內閣起建皇極門殿。發內帑二百萬兩。刻日興工。○以王佐尚書工部佐清真熒亮。海內目爲人倫冠冕。迂迴四十餘年。始有今擢。○起鄒元標爲大理寺卿。○科臣魏應嘉疏法祖四事。一日修身。起居食息之間。凜龍見雷聲之惕。則

可以當萬幾而不勞。二曰勤政。天下流通于一心。在殿對群臣之時。多則天下治。三曰親賢。輔弼大臣。托在心膺。豈拘翰林一局。四曰納諫。○巳酉。命行取侍郎史繼階。沈淮。各尙書大學士辦事。○科臣惠世揚劾御史劉廷元爲群小附和。高下考選。徐兆魁與之聲應。氣求并核。兆魁撫楚不職狀。御史張新詔劾選郎陸卿榮。原無現缺。越次陞補。紊亂舊章。刑郎徐大化以考察黜吏。卿榮受賄起用。有旨兆魁大化俱督用。○督餉李長庚議留漕糧十五萬石於天津。以便來春遼運。而扣遼餉本折于太倉銀庫。○兵科薛鳳



翔上言二事。一煌煌天語牛山中使傳宣。寺人不于  
豫政事。祖訓極嚴。可令口傳內旨。啟人以不可知之  
疑乎。務發閣臣票擬。隨覽隨頒。庶無假借之患。一臣  
面奏外。惟憑章疏爲血脉。一啟事而此報彼遺。  
恐怠惰之易生。務勤乙夜觀覽。隨覽隨發。庶無隔礙  
之患。不報。○吏科周朝瑞陳慎初。三要。上怒其妄  
言黜之。○戶科王繼曾請崇重諫官。○御史王槐秀  
劾奏閩撫王士昌貪肆不法。○御史張師孟劾奏延  
撫董國光封疆失事。楚撫徐兆魁保奸養亂。尚書黃  
嘉善調募失宜。不報。○吏科暴謙貞陳用人之概。以

光新政。○起鍾羽正。饒伸萬建崑王佐。秦聚奎劉文炳滿朝薦等。寺部司官。○御史張潑言雷同非國家之福。要在同心體國。則意見自忘。爭執自化。是非不明。則爭明則止。乘勝之過。至于不能容人。甚至不能自容。則亦何益之有。上是之。○遼東按臣陳王庭効東夷入犯諸將失事之罪。撫臣熊廷弼疏言各官功過不揜。于是廷弼遂有謝事之志。○御史舒榮都言遼事初興。起楊鎬于田間。而以李如栢佐之。非爲戰也。本無戰情。彌逢衆議。就中之微意。既不可以告人。各路之傳宣。似有心于賣國。鄭之范。蔡處縣令。黃

緣入遼虐佟鶴年致養性外叛以陷開原起劉國相  
于贊畫糜餉十有餘萬一朝脫逃宜乘此時一大創  
以洗從來積玩○兵科魏應嘉請肅禁門出入并祛  
放老廢宮女○吏部周嘉謨開列昔年爲國本建言  
得蒙諸臣王德完等名上凡三十二人有旨議用○  
山東撫臣王在晉請加兵以固海防○以王紀爲倉  
場尚書戶部李汝華以國用不足請行加派徵收○  
起陞王德完孟養浩等爲卿由是廢閑皆起至天啓  
間一寺卿貳常二十餘人各寺幾于盈座○袁應泰  
巡撫遼東代周永春○工科李若珪陳保聖躬定聖

志等五事。○乙卯上不豫。○遼東經畧熊廷弼奏請  
兵十八萬。調發各處精銳充之。應募多。市人紀律素  
寬。驍悍競起。延綏都司袁大有督兵至昌平。聞訛言  
一夕解散。將官招之不回。所至流劫。兵臣黃嘉善論  
大有罪。提究御史鄭宗周言。不問李如栢之失機。而  
問袁大有之故縱。何以賞一人而千萬人勸。罰一人  
而千萬人懼哉。議者譁之。○熊廷弼言。遼東久無雨  
澤。赤地千里。遼瀋大軍已踰十萬。歲計二百萬石。戰  
馬七萬匹。歲計豈七十五萬石。遼地無從召買。乞轉  
行各地方召買足數。○丁巳。上御文華門視事畢。

內閣隨從執洒金大扇，睨門外。上遙見，甚怒。

不言。及班散，前訶高聲達內。上大怒，傳諭內閣朝

儀違容褻慢，以後各官務加敬慎。○鄭貴妃尚在乾

詳朱氏史觀

有所進奉，上起居過勞，煩憊。是日御門，力疾

強出。聖容頓減。十四日巳未，壽節傳免內醫崔文

昇下通利之藥。上一晝夜三四十起，支離床褥間。

鄭貴妃日夕視疾，屢趨。旨邀封太后再論內閣

下禮部具儀。侍郎孫如游力言查考本朝無例，是

月郭王二皇親遍謁臺省，謂上必不起，訴宮禁危

狀。○御史史永安奏言路弘開，敬陳交濟之道，願

皇上臨御時親召對日舉溫旨而詢和顏而受聽其  
可置其不可則明良喜起卽在今日矣○陝西臨鞏  
間已時黃河泛白未時徹底澄清上下數十里共三  
日○以皇極殿開工在即各行川湖貴三省嚴督各  
商買木起解○火酋住牧定邊詔叅將王杲協守延  
綏○御史張溪請嚴遏京城遊棍○李養正總督漕  
務陳邦瞻總督兩廣趙彥提督山東○庚申給事中  
楊漣奏申明禮制一日禁衛森嚴著在令甲皇城之  
內摩肩掉臂午門朝見雜還無章甚至班行中拜起  
未終喧闐如市豈成法廷當查明憲典嚴加整飭一

曰祖宗遺制自御殿視朝外有午門朝見之儀凡機  
宜要務與閣部大臣委曲面商下至庶僚分管答應  
故人得效忠事皆停妥願諸臣奏對之時逐衙門職  
掌宣問庶職守無曠一日人臣之道進退繇於自決  
黜陟取自宸斷當以國家事權爲重以臣子體面爲  
輕宜去者去宜處者處無槩從格套曲賜勉留一日  
邇來奏章掉舌弄筆射覆藏閭語涉含糊人可更換  
合申飭臣僚凡入告之文務在情詞曉暢言簡意盡  
不報○辛酉上不視朝群臣上太行皇帝謚號先是  
閣臣方從哲擬定顯宗恭皇帝廷論未愜科臣魏

應嘉具言恭乃前朝末運帝謚於先帝大德不稱乃  
集議于東閣改今謚是日廷臣大集松棚下召鄭養  
性至吏尚書周嘉謨抗言責之曰先朝不早定國本  
皆繇汝家今久處乾清宮萌非常之念事發鄭氏無  
咎類矣莫謂舉朝無人此自關汝家門禍福宜早決  
之養性唯唯密啓貴妃知之封后之旨尚未收廷臣  
謂閣臣當言請擇謹愿內臣奉皇長子移慈慶宮從  
哲不可謂官中事非外臣得與聞又謂移宮爲離間  
楊漣曰上操心慮患爲日已久今得爲不得爲誰  
任其責公喫鄭李家飯做鄭李家官乎從哲語塞



御史鄭宗周上閣臣方從哲書責以用藥乖方之故冊立東宮之不可緩從哲乃奏言聖躬未愈請命皇長子別住慈慶宮○上生母皇貴妃謚○給事王繼曾言遼陽饑荒可憂內地冒破當議其言冒破者召募之兵與造海運之舟也○戶臣李汝華乞清查十庫收之積弊不允○順義王卜石兔下番僧喇麻請給勅命予之○差編修劉鴻訓給事中楊道寅往朝鮮宣詔○御史馮三元上言軍之剝也債帥爲甚則職方爲之開竇也今羽檄徵兵調募并用悉爲遼也一歲之中財費幾何進守者僅一故我之瀋陽使期

年而守鉄嶺。再替而守開原。更假安排。如此用兵。不待數年。膏火自煎。秋潦易盡。此立罄之術也。兵貴用謀。何必待十八萬數足而後有爲哉。經臣告病之辭。似亦強弩之末。乞勅該部急簡才望可任者。備急取資。○癸亥命侍讀學士何宗彥、劉一燝、韓爌各尙書。殿閣大學士入閣辦事。○閣臣方從哲定。皇弟瑞、桂三王府地名上。瑞王乞改荊州。桂王乞改衡州。惠王仍漢中。○御史張潑言僉商之害。戶部奏辦物料入官。其商貲本視爲可緩可急。鑽之左右。鑽之縉紳。領銀一萬。商人得六。居間者得四。就領之而其身

家若掃矣。奸商施欠，非盡商人罪也。支給不清，猶鼠不無同眠，而索取些須之餘，卽爲鋪墊不經之費。常例之禁，請自巡視衙門始之。○皇戚鄭養性請收皇貴妃封后成命久之乃允。○特旨召舊輔葉向高、于家起、舊講官尙書朱國祚爲大學士，內閣並拜八人。前此未有也。○兵部請官覆勘遼東戰將功次。○以孫如游尙書禮部。○遼撫周永春請募遼人輸銀叙功。○以何熊祥爲南京右都御史，衛一鳳尙書南京兵部，叅贊機務。○練兵詹事徐光啓言：訓練之初，兵部定額六萬，故統以總兵三員。今堪留者不過三

四千耳。何用大帥多一輩。應用員役多一種。廩給耗費似應議裁。內屬令京營帶管。外屬令近鎮管。似爲便益。○永平等府民戶歲有棗兒稻皮榜紙胖襖解送內監收勒費重民最爲患。御史王象恒奏改解部從之。○詔議元妃郭氏才人王氏尊號。○壬戌上召文武大臣及吏科河南道臣於乾清宮命皇長子出見諸臣。○台州海門兵諫。○南郊圜丘齋宮因先帝久不親臨皆頽壞不修。太常少卿姚宗文以爲言勅工部修之。○虜酋銀定反青犯甘肅。○乙丑給事楊漣言聖躬違豫明是崔文昇藥誤所致。醫家有

餘者。泄不足者補。文昇投相反之劑。有心悞耶。無心  
誤耶。宜發司禮監究問。召皇長子於前。以發天性之  
真。和寢貴妃崇封皇后之命。○刑科魏應嘉乞斬罪  
將李如栢。李如楨。○姚宗文劾奏經畧熊廷弼兵馬  
不訓練。將領不部署。人心不附。戢廢群策。恃獨賢。不  
足以成大事。章下部議。廷弼言宗文奉命閱視。惟賦  
詩飲酒。議者兩病之。○命進選侍李氏爲皇貴妃。未  
果。○丁卯傳錦衣官宣楊漣并召大學士方從哲。劉  
一燝。韓爌。英國公張惟賢。尙書周嘉謨。李汝華。孫如  
游。黃嘉善。黃克纘。左都御史張問達。吏科臣范濟世。

河南道臣顧慥進見時疑上且杖漣示儆既入目注漣久之論曰國家事重卿等盡心朕自加意調理○辛未再召諸臣於乾清宮進見上倚榻馮几皇長子侍立論云朕見卿等甚喜從哲曰臣等請皇長子宜居東宮上曰令他別處去不得科臣說他該常在朕前極是因論冊封選侍爲皇貴妃者再禮臣如游對曰東宮冊立後典禮次第舉行上首肯群臣以慎藥請上曰十餘日未用矣停視久之命皇長子代論諸臣乃退○御史王安舜疏陳養身六要○加恩講幄舊臣○御史盧謙言士習橫肆錄教

卷一百一十五

官之訓不嚴。教官朘削修脯。厭飽蹊蹇者。當急行斥逐。有司職任提調。不宜以保留保陞。刻錄立碑。借資藝體。○吏科范濟世劾奏鄭之范安放陷城之罪。○諭德張鼐請勅畿南八郡屯田以足兵食。○麗江土官木增父子斬獲番衆人。詔加三品服色。○甲戌再召從哲等十三人于乾清宮。諸臣問安畢。上顧皇長子諭群臣曰。卿等輔佐他爲堯舜之君。語未旣。李選侍披幃而立。呼皇長子入。嘈嘈語復趨之出。皇長子含憤向。上曰。要封皇后。上不應。復視群臣曰。輔他要緊。又云。壽宮如何。諸臣以皇考山陵對。上

曰是朕壽宮。仍諭要緊者再。又問有鴻臚寺進藥。官何在。從哲對云。有李可灼。自云仙丹。臣等未敢輕信。上卽召可灼進。診視具言病源。上喜。命趨和。進。上飲湯輒喘。藥進乃受。上喜。稱忠臣者再。諸臣出宮門外。頃中使傳。聖體用藥後。煖潤舒暢。思進飲膳。諸臣歡躍而退。可灼及御醫留。日晚。可灼出。輔臣邀詢之。可灼言。上恐藥力竭。再進一丸。亟問進後何狀。云傳安如前。至五鼓。宜召急。諸臣趨進。而上以卯刻上賓矣。

朱國禎曰。貞皇之病止是虛弱。尙能視朝。大黃



劫泄後猶能延見群臣傳宣取藥親舉玉盞若以溫平之劑緩緩滋養自然平復乃進紅鉛助火藥一夕遂致大故誤之一字罪安得免况誤加于天子則大不敬矣當如何擬議

群臣被召趨至宮門漣謂嘉謨汝華曰宗社事大嗣主無嫡母生母昨日選侍光景康醇托以少主者此時宜急請見嗣君一見卽呼萬歲以定危疑隨擁之出宮移住慈慶爲妥二臣以爲然乃語從哲漣遂先諸臣排闥入閤監挺亂下漣大罵云皇帝召我等至此今晏駕嗣皇幼小汝等阻門不容人臨意欲何爲

闕者却諸臣乃入哭臨畢請見嗣皇嗣皇爲選侍且  
于煖閣不得出青宮舊侍王安紿選侍強抱持以出  
諸臣卽叩首呼萬歲嗣皇曰不敢當群臣共請詣文  
華殿王安擁之行閣臣劉一燝掖左勲臣張惟賢掖  
右內侍李進忠傳選侍命召回嗣皇者三喝諸臣曰  
汝輩挾之何往小爺害怕遽來牽嗣皇衣漣叱之曰  
我等皆臣子有何怕爲共擁嗣皇登輿至文華殿嗣  
皇西向坐群臣禮見畢請卽日登極嗣皇不允請于  
初六日卽位復擁入慈慶宮一燝奏曰今乾清宮未  
淨殿下請暫居此嘉謨曰今日殿下之身是社

稷神人托重之身不可輕易卽詣乾清宮哭臨須臾  
等到乃發 嗣皇首肯漣語中官曰汝輩受兩朝恩  
遇當赤心報國外事緩急在諸大臣惟調護 聖躬  
是在內諸臣事責有所歸王安等踴躍稱諾諸臣退  
諸臣有議卽日正位者令中官宋再傳奏 嗣皇不  
允衆皆朝服待命少卿徐養量御史左光斗唾漣不  
宜阻卽位于今 漣懼語錦衣帥駱思恭嚴所屬提  
騎稽 內外 日丙子嘉謨疏請安梓官于仁智  
殿選侍可移後殿御史左光斗奏曰李選侍不宜居  
乾清宮 殿下春秋十六齡不宜托婦人之手今不

早斷武氏之禍將見矣。○從哲擬旨賞李可灼銀五十兩。允行之。御史王安舜奏曰。可灼卽從輕。亦當治以庸醫殺人之條。乃頒以賞。不可言也。改旨可灼罰俸一年。○御史鄭宗周請誅崔文昇。從哲擬旨下司禮監查。○戊寅選侍用李進忠謀邀嗣皇語。母子同官。

王安忿然。宣言于外。且將逮光

斗楊漣。選進忠于官門。問以選侍移官何日。進忠搖手曰。莫說李娘娘大惱。今母子一官甚好。正欲究左御史武氏之說云何。漣詫曰。誤矣。幸遇我。諺云。吃飯莫忤火頭。皇長子。今非昨比。選侍好好移官。異日封

號故在且。嗣皇年長矣，卽不奈選侍。若屬得無懼乎？進忠嘿然去。科道惠世揚、張潑從東宮門來，駭傳曰：「今日選侍講垂簾，行逮光斗矣。」漣曰：「無之。」出皇極門，卿貳科道紛言欲上公本不果。○己卯，選侍未有移宮意。漣趣從哲曰：「明日。」上登極矣，尙可緩乎？從哲曰：「便待初九十二移也罷。」漣曰：「天子無返東宮之理，選侍不卽移，亦未有移之日。此不可頃刻緩者。」內侍皆曰：「獨不念先皇舊寵乎？何遽迫如此？」漣叱曰：「國家事，豈容姑且？汝輩食何家之飯，敢云如是聲徹六內？」嗣皇使人諭漣出，着司禮監按盜藏諸侍，盡

收李進忠劉

劉朝等選侍踉蹌移至噓驚宮

文震孟曰三案是非平心自見如挺擊一案事干官闈未可推究拚過亦似善處紅丸一案所多在一賞譬之富家翁疾延請醫人翁面許重酬而遽沒其子如父命酬之人有不笑其愚且疑其謬哉至于移宮一案自是間不容髮之事寧可移而臣子受抗言之罪無使隱忍不移而開後日僭處之禍觀日後客氏光景則此日之急移功罪自見矣

十月 上尊號曰崇天契道英睿恭純憲文景武淵仁懿孝貞皇帝

董其昌曰。貞皇臨御四十日。感孚天下之人心。有在善政之外。而當青宮育德。有夔夔無慄慄。內廷苑枯之形。若弗知。外廷羽翼之激。若弗聞。福王就國。抱持慟哭。張差發難。陛前曉諭。神宗以鄭貴妃屬。帝卽跽而對曰。兒子豈敢得罪于天地。遵奉遺命。盈廷之爭。竟不忍奪。卽虞舜大孝。何以加茲。使帝之出震。未及而幹蠱莫施。天下事將不可知。然則國家無疆之祚。皆四十日之所延耳。

天啓注畧卷之十三

太學生臣許重熙編次

熹宗愍皇帝

起庚申九月終丁卯八月

諱由交

光宗長子在位七年改元天啓壽二十

三葬德陵

母孝和皇太后

東平人才人兄昇新城侯

皇后張氏

祥符人父國紀太康伯

內閣二十一人

少師方從哲

劉一燝

韓爌

葉向高

何宗



彥隨州人 孫承宗高陽人 督師駐邊

少傳朱國祚秀水人 朱國禎烏程人 朱延禧聊城人

少保沈灌烏程人 太子孫如游餘姚人

尚書史繼階晉江人 周如磐莆田人 丁紹軾貴池人 李國楷

高陽人 閒住黃立極元城人 施鳳來平湖人

欽定 大逆 廖屍 太監魏忠賢肅寧人

充軍 魏廣微南樂人

又次馮 銓涿州人 顧秉謙崑山人

張瑞圖晉江人

上生於萬曆三十三年十一月 日生十六年矣

泰昌元年九月初六日庚辰 上即皇帝位始歸乾

○辛巳

上命查六口內隨駕值宿文武諸臣

○壬午科臣惠世揚劾奏輔臣從哲庸回比周妨賢  
病國有破壞封疆十罪而諂事鄭貴妃包藏禍心交  
結劉遜李進忠助選侍占住乾清黨護崔文昇輕君  
上之身命爲情分賞賚李可灼若獎其劫藥速亡爲  
功種種悖逆罪不可勝誅詩曰式夷式已無小人殆  
是在今日早計也○癸未御史倪應春獻治安策因  
言張居正作相綜核名實信賞必罰勲業爛焉惜其  
以寵利居成功末路身名俱敗語曰權臣不可有重  
臣不可無非權而何以稱重也願皇上予之以權

絲綸無中降閣臣善用其權意念無旁落豈不休哉

○丙戌奴酋入撫順大掠而去以袁應泰巡撫遼東

○丁亥御史舒榮都劾遼撫周永春○乙丑御史馮

三元劾經畧熊廷弼大畧以不先取在野遺禾不焚

燒場積資敵寇糧及與甲士授田浚隍增壘自守不

救北關等爲無謀八請兵請餉以言要挾爲欺石

有旨會議廷弼疏請罷職勘問畧曰奴以六月陷開

原七月陷鉄嶺臣以八月至遼陽檄道臣韓原善駐

瀋原善不肯行屬按院勸阻比北關報至瀋軍一呼

而散亟遣分守閭鳴泰往鳴泰半路大哭而返北關

五五百餘里不能援鉄嶺而侈言援北關此道臣  
其三元也臣之修守城湟臣自謂不失而所役卒皆  
守城者如柴賀李三帥所將戰士未嘗役也濟陽之  
犯實無斬獲功若過求之必盡失將士心而加之獎  
借者以城堡無傷亦難事耳近邊五六十里之野賊  
爲我清久矣不煩三元責臣清也贊畫新兵一日而  
過三千胡國臣挑選精兵二千聞江潮聲誤驚賊至  
而奔潰三元言遼人可用臣不知也山東礦徒趨利  
則有應兵則無去冬檄劉國縉往返三月備抄一門  
冊回報不見一人團練三元言礦徒可用臣不知也

昔年征倭征播勤兵二十萬。今奴酋何勢何地而評臣用多也。五月間遼止兩監軍。一按臣各分往蓋瀋奉集。臣獨臥遼陽。兵餉不至。疾呼莫省。問朝廷要遼東情出危迫。而謂要挾欺君。臣不敢承也。三元請去職以存遼。願遂聽之。○辛卯科臣楊漣劾廷弼宜自量才力。早決去留。毋悠泛議勘。以誤國事。○遼將李光榮馮大梁各報奴酋分路入犯瀋陽。○楊漣劾本兵黃嘉善一籌莫展。請加誅斥。○有旨命會議堪任經畧者。○漣又奏嘉善虛套軟熟。不灰不活。決無久主中樞之理。蒙面而入。悠忽當事。鎬栢之必敗。濶過

今年與輔臣作馬上催戰之舉三路收剏震驚宗社  
清河撫順俱沒何等時何等事而李如楨以酒肉之  
徒儼然登原鐵嶺繼陷矣乃拾遺之殘級上  
首功誰欺乎二帥旣歸不請正法聽其見朝佯爲不  
知何所顧忌也僉募民兵所過公行劫掠其赴  
通州練者且許歸省費國家幾許金錢成河上之  
逍遙是何法紀至于推將領尙視賄之多寡而忠勇  
不問低昂內閣仰息中官牢定腳根不動人比之于  
象謂其昂然大物食廩無事也皇祖彌留之際嘉  
善親承召問面任遼事竭力今竟何如乎居中調度

者如此卽更經更撫總無益于成敗之數也。○太常少卿曹珍奏曰。先帝春秋鼎盛何得三十日便已殂落。陛下以先帝之子不一問。先帝垂沒之事以報地下之恨乎。李可灼崔文昇攻藥果否有意。弒機匿于無形有辜而非鳩戕而非必者。○庚子戶科王繼曾議經畧去留疏曰。臣詢之朝論皆言崔景榮張鶴鳴袁應泰爲可用。遼恐勝負無常或有騎劫趙括之慮。請寬廷弼使自決。如志灰力竭奪其軍未晚。至如樞臣嘉善之當去人皆知之。輔臣留之者何故。豈中外不和調而可用兵者大臣受國厚恩薦文臣

其起在籍者示恩薦武臣則崇有錢者以納賄衆實  
有口不可爲也。○刑科叅楊鎬失地狀曰鎬言閣部  
馬上催戰不遲。又言柱松故違節制不思如栢作  
遼大將四路出師何不用如栢當敵而用松且旣並  
進而獨以令箭招如栢歸者何意松果輕進何不  
以一箭令退也。初鎬銳于出師松有難意密遣人投  
揭總督冀少緩如栢偵知而邀其人回及誓師時如  
栢以酒讓松曰吾以頭功送汝而奴先得鎬示悉精  
銳潛伏撫順一路松果爲鄉導所誘後援不至碎首  
淪沒寸骨不存實鎬與栢同謀陷之耳。催戰固屬內  
旨。



獨不言將在軍有所不受乎卽抗違被逮不愈于敗  
跡伏辜乎開原失陷如楨永春與如栢同一當歿而  
李維翰于撫順紅旗催戰張承胤欲一見面議而不  
許倉卒赴敵以歿維翰永春並難免首事若依與援  
抹殺公論將萬世國法謂何○辛丑論曰朕昔幼時  
選侍李氏恃寵氣凌聖母以致心憤成疾崩逝朕終  
天抱痛前皇考病革大臣問安選侍要封皇后威  
挾朕躬至今念之含愧因避其毒暫居慈慶李氏令  
李進忠劉遜傳言每日章奏必先奏看過方與朕覽  
卽日要垂簾聽政處分祖宗家法有此規制否朕

今奉養李氏于臧鸞宮。仰遵遺愛不敢怠也。進忠等  
奏庫藏明自于憲典。恐外庭未知。故論從哲具揭封  
進。上又再論從哲。又揭曰。事關宮闈。不宜輕洩于  
外。惟望益宏聖度。無念舊惡。則聖德彌光矣。御史王  
允成奏曰。陛下發論于移宮。後不過表明心迹。而  
宰相輒自封還。司馬昭之心。路人知之矣。○熊廷弼  
乞罷疏曰。遼自三路覆沒。再陷開原。臣驅羸卒數百。  
踉蹌出關。至杏山而鉄嶺報失。士民謂遼必亡。惟辦  
走計。原善鳴泰遣之不行。途哭而返。關內謂遼必亡。  
糧餉自備。京師仕宦各移家眷南遷。中外諸臣議守。

山海謂遼必亡。今何以地方安堵。舉朝帖席而臥。此非專事工作而尙威刑者所能也。遼陽城池坍塌。人皆知難守。自挑濠築壩。從十里引水以護外。修築完固。民始湊集。閱臣初出。亦有修關之議。獨于遼陽不可。豈已言則是。他人爲則非。此工作之說也。有叛逃十六人。及邊而追獲。道臣欲曲赦之。臣俱令斬。此尙威刑之說也。如謂斬賊擒王。可責于今日之兵將。未易言也。讒口高張。欲臣立功于外。必不可幾矣。○廷弼奉旨解任。回籍聽勘。初廷弼出關。甫至十三。而鐵嶺報失。瀋陽軍民盡逃。遼陽洶洶無固志。廷

弼兼程行路遇逆者諭之歸城有通判劉邦浩闕宗  
已行廷弼取其衣冠褫之勒令回室又獲一戎裝女  
人出城者嚴三岔河渡河兵丁而逆者始定役屬軍  
士造營車火器濬濠增城令嚴必行一月而守始固  
進理虎皮驛如前法又進理瀋陽移軍守之完  
廩既定乘九月深雪密傳赴瀋陽合操操已卽傳赴  
固城遂赴撫順鼓吹直入一路皆爲奴所踐躪無復  
人跡城中惟存一關廟馬神廟廷弼大哭隨行軍皆  
哭尋耀兵分隊返至奉集駐足相度形勢擬移撫順  
于代子河南據河爲險用兵三萬屯之先經理奉集

謂奉集完固則遼陽安可徐議復開鉄矣廷弼歸遼  
日夜督軍士造管車開窰燒磚令軍士人備一大木  
四其合一鑼一鍋以聽後令蓋將以間移三萬人屯  
結長順南城也爲科叅所撓竟不果行

十月刑科魏士嘉會議曰廷弼支撐一年幸虜不來  
謂之有功而爲皇上之兵計餉計軍資計村

民計人材計糜用專殺罔功慢罵失人心必不  
可處此惟恩惟威聽之皇上也○黃嘉善罷黃克

績署兵事○武選郎賀萬祚請開屯田以濟兵食○  
熊廷弼屢爲馮三元張修德魏應嘉所論卽命應嘉

在遼勘之。科臣楊漣諫曰：使風聞言事之人，卽作原  
辜勘問之人。閣臣卽不自愛其職掌，而於封疆何哉？  
御史吳應琦諫曰：皇上起廷弼于田間，賜以上方，  
委以封疆之任。內而司農司馬、檇榆之外，而監軍道  
將叱咤之，致令中外解體。將士離心，應嘉三元修德，  
相繼糾之。廷弼盛氣請勘，勘者卽遣三臣，恐無當于  
事實也。○遼將敗奴于灰山。○命袁應泰代廷弼經  
畧。○御史鄭宗周奏曰：今日所憂不足，惟兵食二字。  
一意剝民，那借窮而搜括，銷銖之取，供泥沙之用。今  
日加派二十萬，明日加派四十萬，任海內之涓耗而

莫之憂可謂足食乎。邊兵調矣。土兵調矣。檄水兵募  
民兵。罪弁可脫。女流可將。未統兵而加銜。已失律而  
招撫。倏議守。倏議出關。調者已逃。募者未至。安家衣  
甲之需。費幾許金錢。而不得一臂之用。可謂足兵乎。  
國初京營兵四十餘萬。今止十二萬。占役賣閑過半。  
京營而邊鎮可知也。遼兵原額九萬六百。今減去  
一萬二千七百。餉額十三萬三千九百。今加至五十  
二萬五千六百。餉增而兵減。一鎮而九邊又可知也。  
解瑟更張。如唐之議復府兵。詎非萬世之利哉。○  
命尚書孫如游入閣。○丁卯歲鸞宮災。○御史傅

乞舉請究崔文昇及查奉御致疾之故不報御史  
逢臯南御史李希孔各請正文昇典刑

十一月諭留方從哲周嘉謨李汝華并戒諭言官○

經畧熊廷弼與袁應泰交代上疏列人民城堡兵馬  
錢糧器械一一交有數并言自丁家泊斬捕而抄花  
不入犯自長勇臺撫而煖鬼不復交通去秋九月奴  
言欲犯遼陽自瀋奉修兵備而奴返老寨諸夷子返  
新寨合力拒守其大畧也臣與諸將密議今冬揚兵  
撫順以張其勢明春移瀋奉及各兵六七萬札營于  
撫順城下環以木城對賊相持別遣毛浙各兵出寬



畿川土各兵出清河而後監招降之旗懸擒賊之賞一應軍中所需秘辦已具新經畧到遼陽臣細細與言此方畧之交代也一盤殘局敗已至此何可輕下劫着幸聽臣言無輒催促也廟堂不知軍情第憑塘報去冬春冰雪賊緩輒閤然言師老馬上催戰及敗又愀然噤口不敢道戰字比見臣收拾纔定而愀然者又復閤然急急責戰矣年來裁巡撫添巡撫起贅畫用閤科議督護何非臺省所建何嘗有一效地方事此後議論不省文墨不寬則經畧必無所措手足國家慮也○命兵科朱童蒙往遼東會勘熊廷

功罪○南御史李希孔叅論姚宗文閱視奸狀以  
夷攻夷之策並無要領四千金浪擲之虜穴最可恨  
者劉國縉事事決裂而挺身護之周永春紛紛冒破  
而卮言褒誨最不可解者荷戈上二十萬一日而閱  
畢今試置宗文于此使按籍呼名從朝至暮能畢萬  
人否諸弁或功或罪噐械何備何缺城池爲堅爲薄  
敵無一語而謂叨轉太常非論列之時前此在閱孰  
禁不言則所閱視何事年來賞罰不明撫臣專制一  
鎮而失事始禍之李維翰不逮總督專制薊遼而抱  
頭鼠竄之汪可受不削今再置宗文不問尤而效之

誰爲國家任勞怨哉○科臣毛士龍道臣方震儒王允成各疏劾宗文罪○科臣趙時用言瀋陽棄而復守遼城危而幸安不可謂經畧無功但平氣一難自明太倉之罄已懸不驅荷戈之士自耕自食則轉餉之民愈困京營惟知放砲邊士無一衝鋒但說練兵何曾得手揆階出半夜之斜封則是枚卜大典可以聽人攫取首輔旣杜門則新叅二臣人想望其丰采而事多模稜權移中官不可不防漸而亟收也○刑尙書黃克纘請寬內犯王永福姜昇罪且言李選侍事聖母不恭遇皇上失禮臣願皇上爲先帝

之。上曰：移官自有護送，如何輕聽昇言，脫罪？  
又奏：因移官而盜珠寶，充淨軍，足以正法矣。推  
廣先帝遺愛，付之不治，勿過怒其下人，念母不涉  
忘父，方爲大孝。上曰：卿非黨李之人，而逞詞偏執，  
不顧君父，信有之矣。○試御史方震儒奏曰：宇內蕭  
然景象，凡父老相聚，必曰：三十年前繁盛，今漸不如。  
原其故，則曰：貪吏多而法紀疎耳。一邑佐貳司捕者，  
以捕爲外府，收糧者以糧爲外府，形驅勢迫，卽盜無  
加上而爲長吏，則有罰穀有美餘，日甘以備朝京之  
需，考滿之用。言者不諱，聞者不驚，又上之而方面歲

節有獻。生辰有賀。滿載歸家者。總皆百姓之脂膏。而銓司之考成。止于罷職。高田廣宅。彼亦何所不愉快。又況乎漏網多也。間有二三寒苦。未見有九遷異數。或因而益其困頓。金穴之子。相率嘆其計拙。廉吏安可也。最可嘆者。撫按白簡。賍私累累矣。而以一語結之曰。甲科可惜。曰。末路可新。貪吏何不爲也。皇祖初政。江陵作相。事事綜核。而積漸所致。猶有今日。今一以寬裕從事。已倒之瀾。寧可問哉。○科臣尹同舉請久任責成。○科臣成明樞奏飭吏治九議。○御史王業浩請安李選侍。○都給事楊漣疏述移宮始

上曰楊漣志安社稷當日竭力忿爭忠直可嘉  
命昭示中外以釋群疑○乙卯詔曰朕冲齡登極大  
小臣工皆朕臣子乃有謗語妄生輕信叅犯訛傳誠  
如楊漣所奏者皇考賓天時大臣請朝見朕李選  
侍阻朕于閣司禮監官設法請出選侍許而復悔  
使李進忠請回朕至丹陛大臣扈從前導進忠將朕  
衣拉住不放當時景象卿等親見初一日朕視皇  
考入殮選侍又阻朕于煖閣司禮監官以大臣言奏  
請再四方許朕出初二日朕送皇考梓宮于仁智  
殿選侍邀朕朝見方許回慈慶宮扈從諸臣所親見

選侍段崩聖母自知有罪不許朕與聖母舊侍一言。此朕苦衷外庭不能盡知朕今奉養李氏皇八妹優厚安享何乃猜度過計藉爲口實刑部執奏惟知私于李黨不顧大義姑且不究可傳諭大小臣工母植黨背公自坐枝節○南京軍士鼓噪燒毀科臣晏文輝○大學士方從哲允免○都給事楊漣乞歸疏言妄言宮掖禍當不測乃蒙先帝特賜宣召介小臣微主知于大命彌留之日千載誇其殊遇乃因備述移宮始末蒙皇上有忠直可嘉之褒微臣于此有大不安者垂簾之秘事未聞人井之煩言

臣不得不洗發一番。乃臣發揚主德之苦心。及爲  
臣請臣節之左券。臣之不安一也。當時諸大臣共有  
防微慮隱之意。首請御殿受嵩呼者。尙書嘉謨而捧  
皇上之左右者。惟賢一燦也。臣以憤爭之故。獨受  
忠直之名。臣之不安二也。宮禁自就肅清。社稷有何  
捏抗。而聖諭以志安社稷爲言。臣之不安三也。臣  
以窮蹇骯髒之人。而際二聖知遇。書生之福力至  
此極矣。知止可以風頑鈍。能退可以省議論。乞浩蕩  
之恩。放臣同山農野老。共歌咏堯天舜日。豈不休哉。  
臣賁本赴文華殿門叩頭畢。移出城外候命。○諭



蜀大學士孫如游尙書周嘉謨黃克纘

辛酉

天啓元年春正月癸酉朔御史焦源溥請明綱常

疏曰鄭貴妃三十年行徑從前諸臣一爭冊立卽紛

罪張差持挺禍在呼吸王德完之安孝端何士

之安先帝後先一轍先帝御極之初封后之

命不得而治容進矣投以麗色之劍崔文昇之藥不

速復促以李可灼之丸南寺臣曹珍升遐未明一疏

人人痛哭流涕皇上獨不動念乎移官始末閣部

大臣同與之必不可得而隱也克纘身掌司寇受

先帝恩不淺而爲羣犯開罪使其果能執法何不請

昇爲忠義吐氣而以縱逆爲平是張差當誅令  
多○經畧袁應泰分布諸將吏于各要地以畱進勦  
撫順則賀世賢李秉誠張良策尤世功陳策章仲揆  
將步騎二萬而高出邢慎言監之清河劉侯世祿梁  
爾康等將步騎一萬而維羅監之宛後則劉光  
祖等步騎水兵二萬而胡嘉棟監之以處各軍守邊  
陽以二萬爲臨時調遣具奏奴酋馬弱僅在春初兵  
馬錢糧須集于二月之前以圖大舉○諭發內帑五  
十萬付經畧給散官軍○禮科李若珪奏選婦內監  
請乞紛紛旣欲帶領推算又爲帶領者請勘合何必  
天啓注畧

兩勘合並行哉。此輩騷擾驛路，無異虎狼。夫曰典制必其載之會典律令方是，而以先年文卷爲憑，不容禮臣封駁，中旨所行，更何限制哉。○御史馬逢臯科臣魏應嘉各疏論楊漣之去。○御史左光斗疏劾孫

○壬午

上冠科臣樞閣成王將冠，祝雍

上近民遠佞，普惠財爲規，以獻禮科周士樸戶

○亂叢

各進要言

○御史高弘圖陳八患

○禮科汪慶百陳新政四要。○御史袁化中言時事之漸可愛有八。○御史高弘圖請召還楊漣賢

○兵科明時舉請責相臣以輔理，講臣以啓沃。

利楊道寅陳慎始五要經筵召對票擬節儉賞賜

○吏科成明樞疏酌用才之宜○待選闕人持刀擁

擠禁門諭嚴行驅逐○有狂人冒衛士服入朝班顯

言命衛司雜治○太常李宗延請修明禮樂以光祀

典一祫祭建文景帝宜入一祧廟當酌議憲宗睿宗

一從祀當去十五王補入歷朝文臣○兵科蕭基奏

曰正月中總兵李光榮有投降真夷卑職阻攔賀總

兵收進之報越二日又有投降真夷賀總兵收留安

插之報三日中又報黃把都兒縈我投降夷人臣謂

遼東年荒米貴自去年已然何至此時方餒可疑也

夷虜居依草野。有如許車輛牛羊。不住牧彼方。遠來  
投我可疑也。據所報夷人五千。牛馬若干。此非一日  
至。彼中部落。豈不覺知可疑也。犬羊狼戾。自古  
難。李總兵阻之。則寂然無譁。賀總兵收之。又帖然  
可疑也。即使無可疑矣。狼子野心。萬一約束無  
方。肘腋甲兵。可慮也。彼既窮困而降。必須日日支糧。  
借錢供贖。可慮也。關市四達。萬一降夷跳梁。咽喉不  
通。可慮也。間諜不明。奸細竄入。可慮也。降夷果真心  
投奔否。回鄉陳友良果信否。此當問之光榮也。放人  
如何光景。安插用何方法。能制黃把都兒之命乎。

此當問之世賢也。往歲委四千金于金台，失之。女位  
弁王猷詐許歲輸，致首羈我使張汝觀。一切匿不以  
報。虛實作何彌縫？所當問之邊臣也。一降夷也。光榮  
報世賢不報。世賢收光榮不收。二將果一心乎？果能  
攻夷乎？此當問之經畧督撫也。若本末無定計，  
廟堂誘之邊鄙，邊鄙誘之廟堂，不幾畫餅充饑哉？  
接受降如受敵，以殘敗之遼而收叵測之降夷，具  
見經畧之無識矣。閣臣泄泄置之，其真輕國事爲  
一擲哉？

初熊廷弼在遼，凡自邊外來奔稱回鄉者，悉置之廢  
天啓注畧

城一角厚撫之而不用爲兵私出者卽殺之有賈得  
功自稱生員回鄉者携四人來內有八歲小兒廷弼  
取置親近果餌啗誘其言經在夷中携小兒行  
使人不疑耳窮之乃知知廷弼開原作內應者也  
立辭之以殉其世賢久有異志廷弼之旋之使自爲  
一軍備調遣使定駐時時餽遺勞苦之稱其忠勇  
嘗歲節宴集諸將勉以同心出血共歎已而諸將有  
密啓世賢異者廷弼私語之曰吾向者歎血正爲此  
諸君自慎可耳及袁應泰代任盡反廷弼之嚴而以  
寬收人舉遂委任世賢不疑且懸招撫之令來投卽

船諸帥童仲揆泣諫。應泰曰：我自收不戰之功，何不  
可而強阻爲監軍？高出亦諍曰：來降者必彼有所不  
堪也。今奴酋方強，何故舍之而投我？又何故如此其  
多？應泰不聽，曰：我固欲空其巢耳。令世賢與尤世功  
並駐瀋陽。世功所將一萬五千人，世賢報納降夷六  
萬。世功密啓應泰曰：世賢所報六萬，實十萬也。城決  
不可守，願以所統卒自歸遼陽。應泰乃始大駭，然已  
無可奈何。姑以軍令令世功曰：敢移一步者，斬。意欲  
留世功牽制之，而勢已不能矣。童仲揆前守清河間，  
與麾下四人攀崖度鵝鶻關，行叢箐中，遇一人自奴



酋老寨逃出詢之乃楚兵也言奴酋諸子悉其精壯屯開原新寨而老寨惟老酋獨居所俘南人置焉老寨去關僅五十里耳仲揆請于應泰言關低易越以楚兵爲導願率所將川兵五千直入老寨可使奴有腹背之患應泰以爲險不應亡何而奴已增高關隘置守清河一帶山路盡行斬斷矣蓋廷弼用權詐恩威不測故奴間不行應泰左右皆間旋即有以仲揆誅報奴也

按降夷內應一愚應泰于遼再愚元化于萊書生之誤國兩見矣威將軍所謂必我元氣盛而後可

以用毒奈何輕言受降也

閏二月甲戌日暈兩傍有耳若月○丙子黃塵四塞  
戊寅復大風霾○楊鎬李如楨論歿長繫○陵軍鼓  
譟○備項良梓揭稱陵軍脩黠僅五百名奉旨  
人給二兩該監共散過銀一萬二千四百八兩挾賞  
則召募市棍凌轍使臣而不許問領餉則持帖強討  
書空可懼而不可查命司禮監勘奏○御史魏光緒  
奏申張差罪案請擢用王之宋○吏科成明樞請復  
行取之制歲一舉行○封皇親王天瑞郭振明王昇  
爲伯○初李選侍移官後御史賈繼春具有選侍雉

經皇八妹入井之揭。屢旨嚴責回話。張慎言高弘謨。  
王大年各疏救。至是令張高王各罰俸。○昭和殿災。  
三月兵科蕭基劾姚宗文誤國疏曰。煖兔炒化紛求  
新賞。皆歸于王猷之妄許。宗文輕信之。不過以金台  
女爲虎墩之妻。藉此結其意耳。不思虎酋亦與  
婦媾。而區區四千兩賄之行。五餌之術。而揚薪止  
將來愈難收拾。首禍其容誅哉。○欽恤陣亡將  
吏劉綏王宜杜松各贈少保。予謚廕。潘宗顏光祿卿。  
董汝礪張文炳各僉事。餘各贈廕有差。○奴酋率衆  
度渾河。首犯潘陽。按臣張銓先下令遷營。夷于城外。

賀世賢不從將士憑濠而守賊驅土填塹我兵  
砲熱裝藥卽噴賊遂蜂擁過濠城內降夷應之  
開門而入賊尤世功沒于亂軍賀世賢率其屬  
西奔瀋陽遂陷○陳策童仲揆移兵皇山以遏  
潘奉之衝分營札橫河南賀世賢突至策開營  
納之遂爲所殺賊衆以仲揆所將皆川土兵戒  
勿輕敵仲揆逐之大戰于河上斬賊二千餘裨  
將周敦吉曰我輩不能救潘在此三年何爲石  
柱司秦邦屏先進渡渾河諸營畢造皆戚金張  
明世統浙兵三千陣河南諸渡河者未成列奴  
以鐵騎五萬四面蹙攻之諸將殊死戰斬賊

墮馬者三千餘。賊却而復前。如是者三。自辰至酉。奴騎益衆。仲揆奮勇潰圍出。遣將請援于應泰。應泰曰：「奴兵強，決不可救。不必又添陷一枝人馬。」差官叩頭流血。按院張銓再三激之。應泰曰：「此天數也。」銓怒罵而起。仲揆望援不至，兵盡矢竭，揮短兵親斬賊十七人，賊復圍之。萬弩齊發，仲揆歾。敦吉、秦邦屏皆歾。周世祿從西北殺出，鄧起龍、袁見龍奪橋南奔，走入浙營。賊追及圍之數重。浙兵以火器擊之，賊歾甚衆。火器盡，乃復接戰。良久，大敗將卒。一時俱歾。初，按臣張銓檄朱萬良、姜弼之兵屯虎皮驛，爲秦邦盛援。及川

兵渡渾河。二將兵近數里。觀望不敢動。川兵旣敗。乃領兵而前。一與賊遇。卽披靡四散。賊是以得萃力攻。漸營是役也。以萬衆當虜數萬。殺數千人。雖力屈而殲。亦奴難以來所未有之血戰也。○奴兵乘勝過代。子河直抵遼陽城下。袁應泰舍卒遣將畧無選擇。無部分。諸將侯世祿。李秉誠。梁仲姜。弼朱萬良所領。或千或百。掉臂而出。無肯接戰者。高出固爭之不聽。應泰自出城督戰。夜宿營中。賊取瀋陽所貯火器砲車。結壘城東。與我軍營相對。發放我軍不支。賊以步兵攻西門。應泰復入城。李永芳遣人請降。應泰許之。命

監受降旗于城上。奴兵擁至濠邊。薄暮。城樓火起。降  
夷內應。盡樹黃幟。大開西門。李永芳賀世賢並轎入  
城。民間婦女盛飾啓扉迎奴。應泰張銓與分守何廷  
題三人坐城東樓。銓謂應泰曰。主公尸居游魂。致我  
無事而歿。應泰曰。公無聞外責。尚可退守河西。泰  
不才。當歿于此。銓下城。應泰舉火自焚。廷魁返署。驅  
二女二妾入井。而後自溺。監軍崔儒秀都指揮徐國  
全並縊于都司。同知。日乾亦自縊。銓爲賊執。送李  
永芳。永芳曰。跪我。我官汝。銓叱曰。反賊耳。何官。永芳  
之域外斬之。數日間。金復海蓋州衛。悉傳檄而

上

夏四月諭吏部曰熊廷弼守遼一載未有大失換過  
袁應泰一塗迨當時倡議何人將祖宗百戰封疆  
袖手送人若不嚴核何以懲後○命詹部御史畢自  
濟海王國楨通州護漕○遣主事周鼎等招  
借大工銀十萬兩修山海城○廣寧致仕通  
判黃衣剃頭從奴受所賜衣招搖里中撫臣執而戮  
之○監軍高出自遼陽亡奔航海歸朝揭請割廣寧  
餌西虜以禦奴御史劉廷宣劾之命逮問○遼東巡  
撫薛國用告病叅議王化貞代之○贈遼陽死事將



吏張銓大理卿尤世功陳策少保各賜謚廕指揮食  
事崔儒秀何廷魁光祿卿廕錦衣百戶童仲揆都督  
同知吳文傑周敦吉戚金鄧起龍秦邦屏都督僉事  
○甲戌發冊迎皇后張氏○獲通奴傳報人劉保磔  
之

五月戊寅冊立張氏爲皇后王氏良妃段氏純妃○  
兵部議調四川湖廣土兵浙江民兵共六萬尅期到  
京○少詹事徐光啓奏曰鼂錯有言器械不利以卒  
予敵也卒不可用以將予敵也今之兵將旣不能戰  
卽當嬰城自守奈何列營城外一聞寇至望風瓦解

久他皆爲敵有反用攻城。陴無守兵。人知必破。  
城內潰。自然之勢。及今不思變着。雖征調招募。更  
如前日矣。廣寧一帶大城。只宜堅壁清野。急備大小  
火器。待其來攻。憑城擊打。一城堅守。必不敢募。越長  
驅數城。堅守自然引退。至如都城固守。尤爲至急。依  
臣原疏。建敵臺以護銃。以銃護城。以城護民。萬全無  
害之策也。○薊遼總督文球咨送降夷二百八十名。  
甫入關。卽逃四十。御史江秉謙劾球事權在握。不聞  
懲奴拮据。復蹈袁應泰之覆轍。此何心哉。乞將降夷  
殲之境上。以消內患。

按應泰方以受降爲奴所賣輕擲遼左而球同有其罪褒然若不聞者乃以受降爲功當國家重任而甘奴夷奸細舉朝莫辨於國法何何也

諭吏馬三元張修德魏應嘉扶同排擠致悞封疆降以外姚宗文陰險傾陷實爲禍始革職爲民六月何宗彥入閣辦事○熊廷弼爲尙書仍經畧廷弼疏曰國家全力兵將糧餉器械盡擲于遼陽今從新計算極難置辦而議者但曰調募製造事本難而視之愈易也諸臣一聞傲報守城門送家眷豈不甚

今募兵則科道起程何日錢糧則兵戶爭執不休  
勢已急而後求緩也中外臣工自爲身家計可以  
同矣畢竟立異顧套數顧譏彈而莫顧封疆必當同  
而構之愈異也二十萬之安家甲馬銀何在空文調  
募此戶部銷兵法也遼餉歲額八十萬今追先其半  
而士喪其七所餘餉銀何在又半分其帑金至悞發  
遣亦戶部之責也行伍草澤中有英雄堪將宜勅大  
小九卿各舉所知○監軍高出胡嘉棟各降級戴罪  
立功○御史李日宣請定設宗室聖裔解額○諭留  
乳母奉聖夫人客氏于大內○御史董翼請崇祀孔

子四世防叔伯夏而上及於契○命尚書王象乾蕭  
遷總督○熊廷弼申明經撫職掌○起故總兵蕭如  
薰到京○初遼東之陷也軍民洶洶咸思反正日夜  
望援兵至石城皮鹿諸島屯駐萬家奴屢招之不從  
有遼陽生員王一寧子身走朝鮮效包胥哭秦庭事  
適詞科二使臣事畢未得歸一寧以揭投之科臣惡  
其聒擾叱之去詞臣劉鴻訓曰彼書生乃如此我輩  
當愧之因厚其資給使遍詢諸島可以假途歸朝者  
一寧遂得私遊叛將間說其反正時王化貞駐廣寧  
聞麾下將有能浮海探島中消息者杭人毛文龍

方言同輩給之。遂承命領二百人駕舟出海探尋。  
德祖未敢前進。適奴酋下檄鎮江。將佟養真。令捕勦。  
長山諸酋養真轉以責中軍陳良策。良策領三百人  
出。學王一寧以行。將謀歸朝。海中望見文龍旂幟。  
遣一寧道意。文龍不信。良策自入文龍舟。請合軍。文  
龍疑其襲已。復不肯。一寧曰。軍形旣露。使養真知而  
襲之。則事敗矣。乃請文龍給良策旗號。乘夜入鎮江。  
克其城而後迎文龍。文龍許之。良策軍詐稱糧盡。自  
歸。與所善軍將蘇萬義等一時俱起。夜縛佟養真于  
厰舍。詰朝樹文龍旂幟于城。迎以爲帥。各島主李景  
天啓主畧

先等咸會文龍張修其事上功撫臣王化貞爲奏鎮  
江奇捷○侍郎鄭以偉會議憲宗宜祧睿宗雖以藩  
人而親未遠祧不宜速也○給乳母客氏墳地二十  
頃授毛文龍叅將駐鎮江○熊廷弼奏各處援兵  
老弱不堪惟延綏將何達王永祚賈登科馬登科傅  
良臣各帶家丁或百九十或六七十及寧夏將周宗  
克家丁六百頗覺精采馬亦肥大其餘皆虛應故事  
據王延祚等泣稱賣脫砌替塞責之狀不堪殫述而  
總兵杜文煥世受國恩丁自邊塞抽選孱弱如此似  
大玩○金州守將凌久思反正聞鎮江舉事卽引

兵來赴中道知文龍所爲罷歸奴殺之遂屠金州○  
順天鄉試日移於初五放榜于二十二○遣郎中梁  
之垣宣諭朝鮮○二十七日 貞皇帝后梓宮發引  
九月御史王心一請裁抑客氏及內侍魏進忠恩賚  
○鉄山將亦有反正奴騎圍之尙書張鶴鳴奏請偏  
師渡河潛襲海州以解鉄山之圍不果○都御史李  
宗延劾內使王昇○奴設蓋復金三州總督以劉興  
祚爲之復州將單不服統率遼衆萬人赴長山島奴  
遣人追擊之遂至鎮江時文龍自得鎮江遽自尊大  
諸從義者稍稍失望奴兵至有勸憑城力戰者文龍  
天啓注畧



膳喪先遁。至朝鮮。奴將鎮江城屠焚一空。各島避難。民半受屠戮。初時四五十萬。僅存二萬三萬。熊廷弼奏三方布置有名無實。

冬十月。御史馬鳴起奏言。保姆出入禁庭。不便命罰。○吏科侯震陽奏曰。頃奉聖諭。以保姆遠離而涕泣。至忘寢食。臣且駭然。今皇上年已出幼。外之凝丞輔弼。內之琴瑟好逑。何戀戀于保姆也。昨者梓宮在途。千官擁立。獨一乘軒在後。道路指目曰。此奉聖夫人客氏也。及神主進德勝門。一老姬伏塵。號慟驚問之。知爲先帝保姆。臣喟然興嘆。同此掖廷阿乳。

厚薄猶天與淵。但官闈何地。時出時入。內外鈞連。借叢煬灶。有不忍言者。不報。○科道倪思輝。朱欽相。王心一。各疏論客氏有旨。降級調外。○尙書張鶴鳴奏。佟卜年。劉國縉。胡嘉棟。皆經畧熊廷弼舉用。今逆賊佟養真。的與卜年同族。宜置之雲貴。展其所施。以報效。嘉棟。國縉。置廣寧立功贖罪。○遼東巡按方震孺奏。曰。河西兵將。人人備馬。思走廣寧。城中富家大戶。盡數西奔。提督中風臥床不起。一切兵馬。漫無頭緒。不知精兵幾何。羸卒幾何。誰爲戰。誰爲守也。臣苦求撫臣代提督部署。惟是廣寧卑弱。臣深以爲憂。○特

發帑金二百萬兩散給遼東將士諭戶兵部樽節融不得仍前冒破○廷弼奏曰臣初推經畧時奏言廣寧事成功就宜專任巡撫一似多此經畧者及鎮江事出而誇詡更甚又似無此經畧者乃奇捷甫聞而危報立至趨臣出關至引郭子儀卽日就道之事爲勸何相倚之重也初議三方布置本圖登津山海一切齊備今天津全未區處登州以道臣之垣多求忤樞臣而與爲難二方已屬畫餅臣到關僅八日卽馳至廣寧月有六日復到永平明旨謂經撫料理已久如何全無次第臣實未久也于鎮江捷至

聖諭已謂調度有次第而今云全無者前此乃部臣  
鋪張以悞皇上而今則按臣張皇實告也樞臣別  
無調度惟有驅臣出關一着臣出而樞臣之能事畢  
矣無一兵一騎之經畧出亦不足以鎮定臣之所望  
于樞臣者若拏定本兵腔調或依或不依以示中樞  
別有主張則中制之敗道也其望一致書議事遲久  
不答豈樞臣責經撫同心而樞臣與經畧不宜同心  
乎其望二樞臣論鎮江事謂當發兵一萬繇海至鎮  
江二萬繇海州斷奴歸路殊不知奴往鎮江不繇海  
州歸路也問明白而後上疏其望三至于報功一節

尤不宜扶同誇張。與人點破所犯忌。如高出之揭。爲打成一片。可相率而欺者。其望四將臣四望體貼。俯同于臣。臣始得專任東方事矣。

十一月戎政尙書李宗延請督各營造辦戰車。且言廣寧需用馬匹。太倉應停草料。全數給發爲造車之用。○王三善巡撫貴州。○套虜從黃古嶺過邊到安塞縣圍延安城三日。分掠甘泉合水環縣慶陽民房。盡行焚燬。所擄婦女畜口財物不計其數。牛駝數萬。滿載驅歸。彌亘百餘里。各軍官飲避不敢出擊。收拾遺落人口。捏報奪回。○兵科蔡思充言東夷未靖。西

虜又擾以廣寧言之病將如祁秉忠惟有貪詐惟怯  
尅減軍糧以支公費規陋不能洗革何以督率有方  
以延鎮言之杜文煥病不之戎矣然爲虜所聲言欲  
殺似非媚虜者文煥去而款仍不成不如責之料理  
以收功日後登萊防海之兵招募報發未到楊遵程  
所募于楚蜀者尙屬風影或勅另募海濱之士○申  
飭計典慎咨訪○逮鄭之范追贓抵餉○皇極門成  
○湖兵至通州其帥張景珍潛入都中營求加銜所  
領兵部安家銀不卽給散遲留旬餘毛兵後至其帥  
田景坤不能輯下沿途科索於酒肆與湖兵遇遂相

闖殺毛兵殞命。湖兵帶傷。御史梁之棟以聞。

十二月四川亂。奏至。先是科臣明時舉捧檄起土司兵。誅索無厭。永寧酋長奢崇明令土目將兵一萬詣重慶。聽撫臣餘可求點閱。可求貪。不卽點視。漫云數。土兵伺候月餘。洶洶思亂。而可求杖其頭目各五放。欲盡黥土兵之面。以別記號。于是統領人樊龍樊虎一呼卽起。亂殺官民。可求及道臣孫好古駱日升。李繼周知府章文釐推官王三宅順慶叙州府同知王世科熊嗣先。知縣高選。總兵黃守魁。叅將萬金王登爵。悉被殺。時舉等踰牆而遁。伏尸遍地。幾不可數。

二樊賊遂據城中。城門大開，聽商民自便，船順流而下。賊惟痛飲日夕，不行焚劫。○遵義只少田自遼陽逃歸，假稱守備，僱招新兵，而可求檄下各夷，徵索嚴急。楊氏舊民洵洵思復故主。重慶既破，夷目羅象乾撤衆回巢。楊福等邀之三路進兵，直搗遵義，署印通判棄城亡走貴州。○石砭女官秦良玉起兵勤王。○賊畧納溪瀘州江安，勢如破竹。至興文，知縣張振德自焚死。惟合州翁登彥江津周禮嘉堅守不下。長寧榮昌隆昌璧山官吏望風逃遁。賊遂進逼成都。○論兵部川兵援遼在途者，領兵官押回討賊。○張我續



提督川湖雲貴四省軍務○尙書周嘉謨辭朝奏去

國戀主疏

上慰諭之○太僕少卿劉時俊贊畫川

湖雲貴軍務○逮故遼撫李維翰○御史江秉謙奏

曰經撫不和化貞欲戰廷弼欲守耳夫守定可以進

戰戰一不勝而何以守夫人而知之而必曲廷弼以

就化貞當授經畧時不曰不從中制乎非經撫不和

乃好惡經撫者不和也非戰守之議論不合乃左右

戰守者之議論不合也果遼事不可無廷弼也不宜

旁撓之果遼事可無廷弼也不必姑存之國家事能

幾番會議哉○九卿會議經臣奉詔特起每事

當責成。經臣稱進兵之事。人馬甲仗糧草。件件打透。不過不敢不遲疑自沮。撫臣欲率兵取海州。蓋聞回鄉鄭明經之言而動者。毛文龍殺奴兵二千未有的。據或謂毛能殺奴二千而不能以一卒走河西。通消息殊有可疑。撫臣絕不疑。甯權之勇非經臣所能彷彿也。今日之議。舍責成二字。道無繇矣。至于高出胡嘉棟。經撫共薦責令建功贖罪。○關臣向高揭言。廷弼化貞作用既殊。而使化貞受其節制。舉朝之人皆謂難行。文龍所報擒斬。卽未真確。功罪可勿言也。乞下部斟酌。如遼事可以專委廷弼。則申飭將吏一聽。

廷弼節制○廷弼揭所答向高書云國初遼東官軍  
日食其地後屯權荒廢原額僅存無幾卽給度支八  
十萬無賞十餘萬未有餘利可捐以遼守遼之說周  
永春李如楨劉國縉主行之而俱不效今巡撫募鄉  
兵一萬七千人月食三兩護如驕子一遣往鎮武設  
防而棄甲投戈者屢屢其不得不徵調于內地者勢  
也三方布置未成便應議裁而歸併廣寧一路爲持  
久之計○張問達尙書吏部鄒元標左都御史○禮  
科周朝瑞奏時當向午日輪上直中天而光不射目  
日上恍有一物可比日大混沌無光伏壓日上非烟

蓋如吞項怪風揚沙通天皆赤天變如此若  
臣等知臣工傾擠不協各快其私深爲可憂○諭兵  
部老官往諭經畧巡撫同心任事

壬子年春正月乙巳朔○王化貞奏曰去年十月毛  
文龍具稟冰結後奴必狂逞幸勿拘寒暑不興師之  
言十一月臣部兵至鎮武監軍高出請再偵之總兵  
祁秉忠亦病臣令諸將各回信地以須後命已而探  
得奴精騎三千皆駐牛庄若以輕騎間道伏海州道  
以計誘之使赴海州吾潛兵躡之中道伏起可殲也  
奴氣必奪有二將願往而經臣下檄于總旗危語咨

臣恐挑釁速禍。鎮道亦勸臣且回。臣卽日西還。復經臣書咨。謂臣何以退。恐部科以僕爲口詞也。不意經臣之急于自明。以爲職罪。今臣與陛下約。願以六萬進戰。一舉蕩平。臣又願與經臣約。怒蛙可式。無推戰士之氣。○熊廷弼亦奏曰。撫臣自許六萬進戰。一舉蕩平。懇乞聖明。亟如撫臣約。乘冰急進。併亟罷臣。以正推戰士之氣之罪。○化貞又揭用夷之繇。曰遼瀋之陷。抄化乘機搶掠。職日遣使謂之。卽許納款。加賞銀三千六百兩。定盟以去。虎墩兔愁遣人來詢。因賞銀一千兩。抄化聞之。亦率其五大營來領銀。

一裁兩增新賞四千兩餘八大管領去銀一萬兩小  
不計二千兩一一皆有籍記用虜原非得已我不  
用奴所用不可無此虛聲也○廢戚繼光子錦衣  
指揮○兵部集群臣會議經撫去留言人人殊部  
臣酌議若撫臣一去文龍必不用命廣寧必潰西虜  
必解體宜賜劍加銜委以廣寧之事若經臣威望素  
著豈可遽聽優游是在斟酌推用○遼按臣方震孺  
條陳五要一宜教習火器一宜汰去老弱一官多兵  
少官有役從糜費鎮守多至二百人則有千五百官  
而萬五千人之軍有名無實矣宜汰去冗官一三道

臣各自練一軍精核冒破一殘敗軍將終難振起宜  
用新將易之○四川按臣薛敷政奏報蘭賊攻犯威  
州攝軍務朱燮元分遣將官冉世洪雷安世瞿英周  
邦太張愷各領兵守隘邦太至資陽與賊迎戰不勝  
降之兵半隨半散世洪至九泉賊已營山上乘高下  
殺官兵不敵世洪安世英皆歿惟愷未及行而賊兵  
數萬已至城下懸旌僭號四面夾攻燒城外寺宇居  
民房舍烟焰數里城中僅有營兵七百名調到松潘  
茂州兵一千五百名分布防禦文武吏數員坐困圍  
城賊旁掠鄉村慘殺男婦奪取蜀府莊田米穀爲持

久圍困之計。○命勘科臣明時舉調募起釁原因。○

禮科惠世揚奏科場積弊。大約言考官逐群狎飲。以閱取爲戲。卷有全未經目者。有漫加塗抹一二。似看而實未看者。別房搜取關節徇私。止以首篇取中。後場全不問者。謄錄對讀採花。湊裘之弊。鬼蜮多端。而出題每至晨後。種種皆宜釐正。詔下所司嚴之。○我政李宗延言遼警聲息已近。請整飭京營兵將。○奴衆臨河欲渡。總兵劉渠駐兵振武。飛書告急。化貞招虜萬騎至邊。遣同知萬有孚犒之。化貞策奴必不敢渡柳河。欲令部將羅萬言哨卒過河誘之來入。以驍



騎感之可以大創各道以爲非計乃止而所在軍士  
號哭震野謂已半年無餉餉司郎中傳國回稱庫已  
空半月惟熟計于自經仰藥耳化貞奏稱點金無術  
望勅戶部速發新餉○諭中外臣民能擒奴酋者封  
公擒酋子封侯各叛逆封伯○御史林一桂請上  
親閱勞軍○兵尙書張鶴鳴以河西瀕危自請視師  
詔嘉勞賜蟒衣玉帶尙方劍加太子太保寵之行  
○命孫承宗東閣大學士兼理兵部事○何棟如太  
僕少卿贊畫○黃克纘條上京營急務○奴渡河逼  
西平堡羅一貴堅守一日夜奴衆被砲擊死者甚衆

將解圍復犯振武總兵劉渠方集陣有先鋒孫得功  
故化貞所任心腹驍將也推渠當先未及戰得功呼  
曰兵敗矣率所部走渠畧陣馬蹶被殺祁秉忠扶病  
上馬中箭歿李永芳復環攻西平尅之一貴自刎○  
得功走入廣寧疾呼軍民宜早剃頭歸降亟命其黨  
封府庫以待一城闕然爭奪門走化貞方晨起視書  
西將江朝棟排門入呼曰滿城人走空矣化貞股栗  
不知所爲而所坐馬已爲心腹將竊去倉皇整行李  
四箱以二橐駝載之而自騎朝棟馬以行及門亂兵  
訶止將縛之朝棟後至持刀與鬪乃得暫得功遂踞  
天啓五年

城附奴○廣寧旣潰化貞所招虜騎大肆殺掠逃軍和之難民西奔者十不得一存遺棄幼小于途蹂踐歿者相望○化貞從數騎走間陽適廷弼自右屯引兵至止焉化貞向廷弼而哭廷弼顧笑曰六萬軍蕩平竟何如化貞慚尋向廷弼議固守寧前計廷弼曰晚矣公不受給募戰不撤廣寧兵於振武當無今日此時水潰之勢誰與爲守惟有護百萬生靈入關勿以資賊足矣乃整衆西行化貞與寧前道張應吾殿後時奴騎已東歸無追逼者故得緩轡以旋總督王象乾一一驗放入關○按臣方震孺在廣寧尙臥未

起聞撫臣走亦單騎走監軍牛維曜邢慎言隨之高  
出胡嘉棟韓初命隨經畧自右屯赴間陽尋隨經畧  
退走關上惟高邦佐嵒松山沐浴衣冠向西再拜而  
縊其僕高厚從死焉

二月特命二閣臣爲會試主考後遂爲例○四川奏  
報萬縣兵到石梯橋賊兵二百人假稱鄉民混入衆  
中殺起其將譚世聰被殺賊遂圍標營于石梯橋與  
指揮賀民望大戰斬賊將白鶴子萬縣兵齊出夾擊  
賊衆敗去賊分攻什方綿竹諸城各堅守○主事王  
之宋追理張差舊案奏稱劉廷元胡士相岳駿聲休

殺當日審判計改隱匿。朦朧結局按之於律劉廷元  
劉光復等已犯大逆不道馬三道李守才罪在謀危  
社稷有旨不必追論。○閩鳴泰袁崇煥監軍山海

三月命解經邦爲經畧辭不赴任削之改命王在晉  
在晉上言今之任經畧者責任更重不行則以國法  
繩之既行則以微言中之即使奴酋捐金反間亦難  
得此舛戾之人情國家何負于群臣必以人主孤注  
哉。○方震孺奏報覺華島有米荳二十餘萬人民數  
萬祖天壽據而有之旦夕與賊通此山海剝膚之患  
臣欲遣人撫之都司張國卿言非臣自行不可臣卽

後芝蔴灣泊船寫牌諭之遣天壽之婿吳良  
民已造船欲往八日始得報奴酋已數遣人至島一二叛  
民已造船欲往正在猶豫間而我人適至天壽一見  
卽慟哭生員數百亦哭先用大船十五隻載天壽妻  
子兄弟士民千五百人至關而天壽仍暫住島上  
以通判吳自科往監之共收回兵十餘萬人民萬餘  
牛馬千餘頭○吏科候震暘以叅論葉向高調外○  
吏科趙時用奏卹廕不宜濫觴○御史江秉謙劾奏  
尙書張鶴鳴明知西虜間諜皆虛明知戰守參差難  
合而硬爲責備曰機會可乘曰過河必勝不肯付經  
天啓注畧

畧以節制。明明棄城逃遁。而猶云化貞功罪相半。只此一語。卽寸斬鶴鳴。不足贖欺君誤國之罪。有肯秉謙調外。○鶴鳴奏獲奸細杜茂。係李永芳所使。通倭。卜年者。○大學士孫承宗奏曰。年來兵務多不練。餉務不覈。以將用兵。而文臣招練。以武邊備。而日增千幕。以邊臣任經撫。而日間戰守。千朝種種誕。因循之象。不能追救。以一隅勤天下。而旣壞一隅。兼壞天下。務在收拾人心。以大振之。

四月會審熊廷弼王化貞。廷弼曰。廣寧非我駐扎。潰不繇我。化貞曰。向使早憑過河決戰。當無此潰。○奢

黃解成都圍。○賊將符國貞爲官兵所敗，棄遵義遁歸。綏陽將丁文明收復之。都司陳一龍收降滑潭賊。

○賜文震孟等進士。○尙書王紀、都御史鄒元標、卿周應秋具經撫獄詞云：化貞全不知兵，用虜而反爲虜，用間而反爲間，用叛逆如孫得功輩，日付左右而不悟，聲聲要戰，匹馬宵遁，驚魂未定，是熱心癡心人也。廷弼言兵不宜浪戰，西虜不足盡信，永芳降情，叵測。若持左券，使堅守右屯，歟！且不朽而疾走榆關，平日何等威風，作此舉動，比鎬多一迹，比應泰欠一歟矣。○尙書孫慎行追論李可灼事，請正方從哲、弼



逆之罪從哲連疏申辯有旨慰之。○尙書張鶴鳴行邊奏三衛虜衆近塞惟撫賞爲今日第一緊要卽將寧遠前所芝蔴灣諸處積聚盡數聽虜人搬取。○太僕卿董應舉兼御史管理天津山海屯田安插遼民。○都御史鄒元標奏植立綱常疏請誅方從哲

五月御史周宗建奏論時事一大臣名節宜重豈唾面自乾之義可長借以護身而笑啼不敢之狀可翻番以謝衆一內臣窺伺宜防諭旨之下有物憑焉如魏進忠目不識丁而頻笑之假漸與相親讒搆之端其爲隱禍○王紀鄒元標定高出胡嘉棟韓初命獄

三人與熊王携手同遊。他日史官書曰：是役也。  
尚存沙嶺。五人聞風先逃。喪地七百里。又定李  
維翰獄詞云：聽奴款關。變起倉卒。紅旗一催。而二三  
萬無辜淪沒。屈指二百里。山河拱手。送賊誰實。首禍  
鄭之范聽。周永春手書。放兵馬於村屯。是開門而揖  
盜也。遂爲逃首。犬彘不食矣。授毛文龍總兵。王一  
寧通判贊畫。○江西妖人程鵬私藏讖緯。刻三十三  
篇。妄言國運。撫臣房壯麗捕誅之。○貴州土酋安邦  
彥叛。攻所龍里。甕安進圍成都。○山東鉅野縣民徐  
鴻儒作亂。流劫曹州。鄆縣據梁家樓。知縣余子翼復

其城。川土兵大集。樊龍據重慶。七月有餘。春水泛漲。官兵不敢渡。賊守佛圖關。二郎關。險阨。總兵杜文煥將兵集攻忠州。判官胡平表率銳士直取佛圖關。石柱女將秦良玉繼進。大戰三日。一鼓奪關。賊兵大敗。官兵遂至城下。科臣張鵬雲追理張差獄案。劾劉廷元上相。尚書孫慎行追理移官事。劾方從哲從哲自請褫奪。尚書黃克纘陳述進藥移官二事。始末與前楊漣等所述無異。御史張慎言。江日彩各疏方從哲罪。尚書張問達覆奏劉廷元罪降級調外。

六月浙江撫臣請追恤方孝孺準與祭葬謚祠○山東賊破鄒滕二縣通判鄭一杰知縣姚文胤逃○秦寧酋虎敦兔虜中之王稱愍者昏于酒色其叔腦毛大專權得衆然老不能自強其下反青最橫奴齎黃金三百兩貂參數駝購之虎愍與奴陽離陰合款關索賞○奴至十三站一子墮馬死以爲不祥遂棄廣寧東歸遼人之不順奴者各保聚于諸島遼地多窖粟西虜掘取之載至關與關民易布關民賴以充給○山東都司廖棟敗賊于武安○吏部題請復職贈廕官九人馮應京吳寶秀李沂曹學程盧洪春王正

志華鈺王翰吳應鴻贈官六十六人顧憲成張棟李  
獻可孟化鯉傅如禮駱于仁王教涂本范雋何選楊  
文煥王之棟葉春初錢一本賈名儒楊其休舒弘緒  
吳之臣陳南象安希范張貞觀王如堅沈璟吳弘濟  
王學曾顧文選朱繼京于孔兼楊天民喬胤吳文梓  
馮生虞劉弘寶陳嘉訓遂中立張同德時偕行劉士  
詹郭廷彥馬經綸耿隨龍宋燾黎道炤劉爲楫林培  
戴士衡錢養廉陳泰來劉道亨穆深王紹先密鎮陳  
繼春費必興王士騏萬國欽劉文卿彭應參朱長春  
張納陞顧允成諸壽賢薛敷教柴恪○科臣汪慶伯

沈惟炳方有度各疏論進藥移官事請定方  
從哲李可灼崔文昇罪○四川總督張我續奏報保  
守完城州縣官翁登彥楊汝昇吳弘業韓應龍程學  
程謝奇舉曹元龍冉岑鍾文煊九人從事官文吏張  
振德徐大禮王願甫左重洪維翰趙愷武吏翟英韓  
應泰李世勲張羽鄉官董盡倫十二人○尙書張問  
達汪憲毅公疏言方從哲黨庇李可灼崔文昇罪○  
科臣沈應時魏大中沈惟炳各疏執春秋弑逆大義  
責方從哲○侍郎張經世陳邦瞻等卿蕭近高等科  
劉弘化韓繼思等道劉芳侯恂等少卿高攀龍等各

議從哲之罪大約言張差之挺美姝之進大黃紅鉛之藥相逼而來輔臣處之恬然力爲掩護君父生來忍聽小人嘗試舉朝攻發明示優容得罪 皇祖皇考不忠之誅允宜速斷

七月守備葛秉忠敗妖賊于夏鎮之東門兵備施天德過兵于徐州不許北渡葛糧盡援絕兵遂潰賊乘勢破夏鎮入掠河上○太常少卿高攀龍復追彈方從哲崔文昇鄭養性罪有旨切責罰俸○冊范氏爲慧妃○內旨諭部佟卜年爲佟養真報仇投陶朗先處監軍讒害毛文龍今文龍所獲奸細劉一嶽杜

茂明供李永芳書通卜年刑部尙書王紀不卽問理  
顯是徇私賣法着革職爲民○淫雨壞山海邊牆○  
川賊投訴贄畫劉時俊通賊事張我續奏之命逮時  
俊究問○沙溝將姚文慶率鄉兵破賊于韓莊奪回  
糧艘淮兵驅斬夏鎮屯賊運道始通○尙書孫慎行  
稱病回籍○山東大雨連日總兵楊肇基乘雨破賊  
于兗州城南遊擊蔣紹芳都司廖棟分兵夾攻之賊  
死千餘人遁走至橫河山水暴發賊泮死無數○兵  
尙書黃克纘回籍

八月大僕少卿滿朝薦奏曰遼廣失陷臣郡人之在



軍者臣訪得其詳遼陽之陷錄于袁應泰之納降夷  
廣寧之孽起于王化貞齎金以陷西虜未聞有奸細  
獻城之說謀求于奸細不過爲化貞脫卸地耳王紀  
訪知的實不肯殺人媚人耳多年議確之犯以庇厚  
而緩求旬月矜疑之人反妬深而苛督執法如山之  
司寇革職不惜獨眷于三十劾疏之閣臣卽去而尤  
加異數焉有此顛倒乎賦輸軍資皆民膏血乃棄城  
數撫擲三千萬巧騙撫贖銷三十餘萬重疲省郡步  
步誅求有是顛倒乎閣臣票擬主持清議見有忌才  
壞法之疏不公斤之輕則兩可其說重則徑行其言

矣。見有姪奸匪國之疏，不公持之，輕則姑不究，重則  
遞加罰矣。平章謂何不知。陛下何負于臣子？乃臣  
子之忍負。陛下至此也。疏入，革職爲民。○副總  
兵毛文龍制奴滅奴，疏曰：奴酋發難，皆爲市井無賴  
所激。西虜反覆不常，宜待以羈縻。登鮮聯合，實爲恢  
復要害。然自各島布置始，旅順東距三山島三百里，  
請以遼兵三千、兵船七十，用遊擊陳大韶居之。三山  
東距廣鹿島二百里，以遼兵二千、兵船五十，用都司  
王學易居之。入守金州，廣鹿東距長山島五十里，兵  
船五十，用遊擊居之。入守復州，長山東距石城島二

百里以遼兵二千兵船五十用都司劉可伸居之入  
守海州石城沿近小松島以遼兵二千兵船二十用  
都司林茂春居之入守蓋州石城東距麗島二百里  
以遼兵三千船二十用程攸居之入守岫巖麗島東  
距鮮鎮寬叟二百里用遊擊張忠守備尤景和相機  
直入奴寨速給臣餉三十餘萬挑選遼丁二萬募浙  
兵精火器者萬人給盛甲器械分往各島以襄恢復  
至計去冬奴賊知江東無兵是以安心過河攻廣寧  
今又無兵則山海必成孤危而神京豈能安枕遼人  
多爲賊用如先據各島則登萊亦成危局矣部覆行

之

按文龍海中布置紙上若有可觀。歲費金錢幾萬萬。究竟金復海蓋鎮江寬。數長爲奴有。文龍不能爭尺寸地。而無歲無季不報捷。捷疏朝上而賞賜夕下。舉朝明知其欺僞而莫敢綜核之。其故誠不可解。且所奏捷者不言深入千餘里。則言擒斬數千人。師進不聞餽糧假道。戰勝則安歸海島。豈奴衆盡堅壁不出者乎。以此語常法。實難信矣。軍政禁領兵官不得自報功。豈預料是欺。

大學士孫承宗以經畧無人。願親督理關城兵務。

經畧王在晉改南兵尙書○閻應泰巡撫遼東○總  
兵達奇勛等釋放立功革在外總兵薛來胤回衛  
九月左都御史鄒元標劄講院于長安西街與副都  
御史馮從吾等立會講學兵科朱童蒙論其不急恐  
起門戶之漸欲元標等修職業惜精神以東林爲戒  
元標從吾各疏言講學有益于治理各求罷不允○  
太常卿朱光祚請拊髀襍衫○吏科甄淑請文武一  
例殿試以尊主權○諭禮部 光廟選侍李氏冊封  
莊妃

十月川督張我續奏捷進所斬樊龍首及從賊石永

高等三十一人。○贈副使孫好古大理卿廕世千戶。  
○四川巡按張論奏報遵義復陷。○命魯欽總川湖  
貴官土兵進勦。○貴州巡按史永安奏曰臣讀部咨  
所稱奢氏母子自足以制邦彥一語與臣書內有稍  
緩征戢覘其動靜若首鼠觀望擒之未遲等語恐撫  
之一字誤封疆不淺也。安酋自二月統領苗仲圍城。  
今五閱月矣。恨士民之固守。環城墳墓無不掘矣。今  
日破一寨。擄掠男婦數百。自西山過。明日殺一堡。劫  
掠牛馬數百。向東山過矣。播種無地。運米無門。城內  
軍民餓死無數矣。外此又覘其攻威清平堪安莊烏  
天營注畧

徽安南普安定番貴房矣。陷安順廣順龍里畢節赤  
水矣。殺副使孫克恕。推官徐朝綱。知州鄭鼎矣。此叛  
耶非叛耶。豈安邦彥叛而奢氏母子未叛也。二月內  
賊因普安急。滇撫遣將李天常將兵四千援之。意主  
招安。賊首羅應奎率衆詐降。迎西盤江渡口。誘至疊  
水。賊伏四起。遂全軍覆沒。此撫之驗也。近撫臣所遣  
招撫官入安管者。皆已被殺。撫豈易言哉。敢以一言  
道破。則全黔幸甚。○贈袁應泰兵尚書廕千戶世襲  
○山東巡撫趙彥奏捷。總兵楊肇基報稱六月平嶧  
○剡城曲阜之圍七月平。夏鎮紀王城嶧山巢穴。

復滕縣大小三十餘戰。鄒縣圍久未下。於十月內四面攻之。賊首徐鴻儒出城就縛。○左都御史鄒元標致仕上去。國情深疏。○修撰文震孟疏陳勤政講學之實。大畧言常人之情。震發則富貴之士皆可爲功名。頽靡則道德之士未免流于迂腐。昧爽臨朝。鴻臚引奏跪拜起立而已。竊意祖宗朝設有科道部院。必當以次白事。獻可替否。皇上與輔臣商決焉。不惟聖智日練。卽諸臣亦可試其職守。若僅周旋進退。祇畢朝儀。安取此篤行爲也。經筵臨御。史臣進講。鋪敘文辭而已。竊意祖宗朝君臣相對如家人父子間。



閤隱微無不諮詢。故雖深居九重而情形畢照。左右近習無緣蒙蔽。若僅尊嚴若神。祇成故事。安取此展書爲也。神情旣與群臣不相洽。必與天下不相照。而耳目所觸發。自不越于中涓之口。夫宏遠規模。豈若三解于是無名濫予。而藩封踰制。屢煩中旨傳宣。範盡蔑爲弁髦。有罪不誅。而失機成案。更來衆議紛擾。憲章悉付于葛藤。更可異者。空人國以庇私黨。詈道德以逐名賢。此豈清世所宜哉。疏入未下。庶吉士鄭鄮奏曰。震孟一疏未蒙報可。是留中之漸也。留中者。壅遏之萌也。壅遏者。竊弄之機也。臣觀史冊中。

不亂之萌有二。內降也。留中也。內降以肆斥大臣機  
關使人駭。留中以陰消聖慮。徑竇使人疑。願皇上  
早圖之也。有旨切責各降級調外。

十一月冊封 光廟選侍劉氏爲貞靖賢妃。○大學  
士葉向高請宥文震孟鄭鄮不允。○御史蘇琰疏理  
財三要一明。示會計之數以相稽。一酌本折之寔以  
省蠹。一究侵冒之賊以塞漏。○御史蔣允儀請除立  
枷苛政。○諭復前降劉重慶倪思輝朱欽相王心一  
吳應琦官。○貴州賊符國禎等窺板角關大掠村屯。  
○李可灼遣戍。○贈徐可求官廕世千戶。

十二月貴州巡按史永安奏曰臣苦守貴陽已歷四序自援兵甕城失利賊逼營城下塘報絕迹城東隅數處山岡賊居其上作廂樓下伐城樹官兵設計燬之東南隅架廂進攻益急糧米罄于六月至八月而民間之米又罄父子母女竟相食矣白骨處處成堆歾亡幾盡士民尚欲固守亦古今未有之人情也獨恨撫臣王三善者受命撫黔業經一期當水蘭交叛時尤從容就道閱半載而始至沅州兩月而始至平越又五月音問杳然竟未遣一兵至亦未發一粒至求緩之文疾呼而不荅有謂其故意延挨希圖賄囑

卸擔者。至于總督張我續奉旨援黔。亦無一兵至黔。而總兵杜文煥不知尙在何處。此際惟有神兵。旦暮間從空而下。或可救援。臣與張許結友于地下矣。○左都御史趙南星論人臣服官之義。以職業操守二者程其才品。○加山東巡撫趙彥兵尙書銜。

天啓注畧卷十三終